



庶
雲
會



懸竅居士書眉



光緒丁丑三月
碧巖吟館開雕

隋煬帝之幸江都命司空楊素守西京素驕貴又以時亂天下之權重望崇者莫我若也奢貴自奉禮異人臣每公卿入言賓客上謁未嘗不踞牀而見令美人捧出侍婢羅列頗僭於上末年愈甚無復知所負荷有扶危持顛之心一日衛公李靖以布衣上謁獻奇策素亦踞見公前揖曰天下方亂英雄競起公爲帝室重臣須以收羅豪傑爲心不宜踞見賓客素斂容而起謝公與語大悅收其策而退當公之騁辨也一妓有殊色執紅拂立於前獨目公公旣去而執拂者臨軒指吏曰問去者處士第幾住何處公具以對妓誦而去公歸逆旅其夜五更初忽聞叩門而聲低者公起問焉乃紫衣帶帽人杖一囊公問誰曰妾楊家之紅拂妓也公遽延入脫衣去帽乃十八九佳麗人也素面畫衣而拜公驚答拜曰妾侍楊司空久閱天下之人多矣無如公者絲蘿非獨生願托喬木故來奔耳公曰楊司空權重京師如何曰彼屍居餘氣不足畏也諸妓知其無成去者甚眾矣彼亦不甚逐也計之詳矣幸無疑焉問其姓曰張問其伯仲之次曰最長觀其肌膚儀狀言辭氣宇真

風雲會

卷上

傳

一

天人也公不自意獲之愈喜愈懼瞬息萬慮不安而窺戶者無停履數日亦聞追討之聲意亦非峻乃雄服乘馬排闥而去將歸太原行次靈石旅舍旣設牀爐中烹肉且熟張氏以髮長委地立梳牀前公方刷馬忽有一人中形赤髯如虬乘蹇驢而來投革囊於爐前取枕欹卧看張梳頭公怒甚未決猶親刷馬張熟視其面一手映身搖示公令勿怒急急梳頭畢斂衽前問其姓卧客答曰姓張對曰妾亦姓張合是妹遽拜之問第幾曰第三因問妹第幾曰最長遂喜曰今夕幸逢一妹張氏遙呼李郎且來見三兄公

風雲會

卷上傳

二

驟拜之遂環坐曰煮者何肉曰羊肉計已熟矣客曰飢公出市胡餅客抽腰間匕首切肉共食食竟餘肉亂切送驢前食之甚速客曰觀李郎之行貧士也何以致斯異人曰靖雖貧亦有心者焉他人見問故不言兄之問則不隱耳具言其由曰然則將何之曰將避地太原曰然故非君所致也曰有酒乎曰主人西則酒肆也公取酒一斗酒旣巡客曰吾有少下酒物李郎能同之乎曰不敢於是開革囊取一人頭并心肝卻頭囊中以匕首切心肝共食之曰此人天下負心者銜之十年今始獲之吾憾釋矣又曰觀李

邗儀容器宇眞丈夫也亦聞太原有異人乎曰嘗識一人
愚謂之眞人也其餘將帥而已曰何姓曰靖之同姓曰年
幾曰僅二十曰今何爲曰州將之子曰似矣亦須見之李
郎能致吾一見乎曰靖之友劉文靜者與之狎因文靜見
之可也然兄何爲曰望氣者言太原有奇氣使吾訪之李
郎何日到太原靖計之曰曰達之明日日方曙候我於汾
陽橋言訖乘驢而去其行若飛迴顧已失公與張氏且驚
且喜久之曰烈士不欺人固無畏促鞭而行及期入太原
果復相見大喜偕詣劉氏許謂文靜曰有善相者思見李

風雲會

卷上傳

三

郎君請迎之文靜素奇其人一旦聞有客善相遽遣使迎
之使回而至不衫不履褐裘而來神氣揚揚貌與常異虬
髯默然居末坐見之心死飲數杯招靖曰眞天子也公以
告劉劉益喜自負旣出虬髯曰吾得八九矣然須道見見
之李郎宜與一妹復入京某日午時訪我於馬行東酒樓
下有此驢及瘦驢卽我與道兄俱在其上矣到卽登焉又
別而去公與張氏復應之及期訪焉宛見二乘攬衣登樓
虬髯與一道士方對飲見公驚喜召坐圍飲十數巡曰樓
下櫃中有錢十萬擇一深穩處駐一妹某日復會於汾陽

橋如期至卽道士與虬髯已先到矣俱謁文靜時方奕棋起揖而語少焉文靜飛書迎文皇看棋道士對文靜奕虬髯與公旁侍焉俄而文皇到來精采驚人長揖就坐神氣清明滿座風生顧盼燁如也道士一見慘然斂棋子曰此局全輸矣於此失卻局哉救無路矣罷奕請去旣出謂虬髯曰此世界非公世界他方可也勉之勿以爲念因共入京虬髯路語公曰計李郎之程某日方到到之明日可與一妹同詣某坊曲小宅相訪李郎相從一妹懸然如馨欲令新婦祇謁從容無令前卻言畢吁嗟而去公策馬而歸

風雲會

卷上傳

四

卽到京遂與張氏同往至一小板門叩之有應者出拜曰三郎令候李郎一娘子久矣延入重門門愈壯麗婢四十人羅列庭前奴二十人引公入東廳廳之陳設窮極珍異巾箱粧奩冠鏡首飾之盛非人間之物巾櫛粧飾畢備請更衣衣又珍異旣畢傳云三郎來乃此髯也紗帽褐裘而來亦有龍虎之狀歡然相見命其妻出拜蓋亦天人也四人對饌訖陳女樂列奏其前飲食妓樂若從天降非人間之曲食畢行酒家人自堂東昇出二十牀以錦繡帕覆之旣陳盡去其帕乃文簿鑰匙耳虬髯曰此盡寶貨泉貝之

數吾之所有悉以充贈何者某本欲於此世界求事或當
龍戰二三載建少功業今既有主住亦何爲太原李氏真
英主也三五年內卽當太平李郎以奇特之才輔清平之
主竭心盡力必極人臣一妹以天人之姿蘊不世之藝從
夫之貴榮極軒裳非一妹不能識李郎非李郎不能遇一
妹聖賢起陸之漸際會如期虎嘯風生龍吟雲萃固非偶
然也持予之贈以佐眞主贊功業也勉之哉此後十年當
東南數千里外有異事是吾得志之秋也一妹與李郎可
瀝酒東南相賀因命家僮列拜曰李郎一妹是汝主也言

風雲會

卷上

傳

五

訖與其妻從一奴乘馬而去數步遂不復見公據其宅乃
爲豪家得以助文皇締構之贊遂匡大業貞觀十年公以
左僕射平章事適南蠻入奏曰有海船千艘甲兵十萬入
扶餘國殺其主自立國已定矣公心知虬髯成功也歸告
張氏具衣相賀瀝酒東南祝拜之乃知眞人之興也非英
雄所冀况非英雄者乎人臣之謬思亂者乃螳臂之拒走
輪耳我皇家垂福萬葉豈虛然哉或曰衛公之兵法半乃
虬髯所傳也

風雲會傳奇目錄

卷上

第一齣 示因 第二齣 謫配

第三齣 授秩 第四齣 營都

第五齣 惜春 第六齣 慨世

第七齣 雨代 第八齣 雪仇

第九齣 策謁 第十齣 拂奔

第十一齣 捕遁 第十二齣 偕逃

風雲會

卷上 目錄

一

卷下

加一齣 聚異 第二齣 訂盟

第三齣 訪友 第四齣 樵吟

第五齣 籌防 第六齣 告變

第七齣 區宮 第八齣 定鼎

第九齣 授主 第十齣 報書

第十一齣 開宴 第十二齣 證仙

風雲會傳奇

西湖玉泉樵子填詞

天都梅谿逸叟訂譜

第一齣 示因 鳩由 末上

約交服注
自然成文

南正玉芙蓉星躔換幾周南北紛爭殼聽臨春歌罷結綺
生愁井波纔浣臙脂色宮樹重拋錦繡毬難回首眼見他
乾坤反覆幸有箇擎天隻手奠金甌

安頓妥貼
有條不紊

前腔因緣不自由天意猜難透把英雄兒女暗運神籌這
壁廂偏安正統安排定那壁廂軒冕綸衣計畫周傳不朽

風雲會 卷上 示因

端的是天公註就堪笑那荒淫奸佞各含羞

敷佐雅切
天生證據

傾盃序風流郎才俊女貌脩這配合真嘉耦你看他胸羅
萬象才高八斗香閨巨眼仕女班頭就是那蒯通神相嚴
遵神卜也讓三籌論智略與姮娥奔月共千秋

朱奴插芙蓉朱奴兒看他英雄膽人間無偶俠烈腸到處

堪剖放眼塵寰誰骨肉遇知音天然的輻輳玉芙蓉都是

那天星宿遍乾坤浪遊不想道真龍潛伏在荒陬

尾聲從此輪蹄不向中原走把海外扶桑締構成就了輔

大唐的功臣夫妻們同白首

的歸原

擄明本意
用筆直捷
老當

列位今日看演風雲會新戲內請教這風雲會是何故事何人手筆未列位不知就是作瘞雲巖的玉泉樵子昨日演了一天瘞雲巖看官都說近今細事粧點成文恐屬子虛烏有他說此事雖則風流究傷雅道不便提出真名實姓如今將唐朝開創之初一位大功臣李衛公請將出來人人曉得只是他功德巍巍難於殫述就將唐代叢書張說所撰虬髯客傳中李靖納紅拂私奔一事搬演起來實事實人毫無假借可見從古英雄忘不了兒女私情的意思道言未了你看那碧虛真人早

風雲會

卷上示因

二

已出場來也

下

第二齣 謫配 蕭豪 雲童先上舞畢雜執仙仗

引老生上

南仙番卜算移步下靈霄奉命傳宸誥風飄仙仗戛瓊瑤
細數蒼煙渺

絳闕迢遙接翠瓊仙風暗引步虛聲御爐香重沾衣袖
手捧珠綸出上清吾乃碧虛真人是也統一清之始運
攝三界之元神真際靈游獨得性天之圭旨神功妙濟
許參造化之權衡今奉天帝傳宣密議人皇紀麻咳滔
滔天下萬姓流離莽莽乾坤羣雄割據計自東晉分裂

風雲會

卷上 謫配

三

敘事簡括
得太史公
遺意

以來迄今幾三百載干戈未息目今隋紀將終煬帝荒
淫無道天心厭亂特命真主臨凡肅清寰宇只是少不
得輔佐功臣已命薇垣環伺諸星紛紛下界惟有玉帝
座前侍香金童傳言玉女二人塵緣未斷應入輪迴上
帝慈悲要教他二人一箇做開國元勳一箇做女中豪
傑恩榮蓋代後世傳名更遣黃旛星君下凡他也是
一國之玉其中成就二人的功名福澤正是富貴窮通雖
是命全憑神筆巧安排侍從們雜有老生速召侍香金
童傳言玉女隨同黃旛星君前來應詔雜領法旨雜引

淨紅臉虬鬚同生旦上合唱

桂花襲袍香

桂枝香首至四

身依靈耀神游瑤島憑仗著一縷精

英看遍了蒼冥幽宮

四季花三至六

無聊天風海風絃漫操雲光

虛無縹緲一片神行

霧光情暗撩問蒼蒼何不老

皂羅袍五至八

淨憑空縈擾頓添煩惱如何卻掃枉自波焦

綻可笑我心旌也亂搖

弟子們叩參老生爾等偶萌私念頓絆塵羈今奉玉帝

敕旨命爾等各投人世金童是太守佳兒玉女乃豪門

歌妓將來姻緣湊合不等尋常聽我道來生旦是老生

風雲會

卷上講配

四

長拍闕闕名門闕闕名門魁梧儀表守世業傳家忠孝此

去英名交譽顯才華拜倒雄豪且做箇投筆班超奇緣湊

憑空眉畫張京兆還虧他志氣堅貞人窈窕不把硃矸小

節膠真箇是福慧雙脩到簪珥暫時拋良宵會驚喜難描

你們姻緣雖就家室未安全賴黃旛星君推誠相與成

就勦名星君你也聽了淨是老生

短拍請降天曹請降天曹暫離蓬島莽天涯任意遊遨浩

氣薄層霄疾奸邪契忠讜一生懷抱到頭來管教伊還荒

分醒你與他做一箇分金管鮑論氣誼比天高

耐人夾寫交接處如片帆飛渡

簡而能賤

風流自賞
身分極高

如今煬帝荒淫、生民塗炭、上帝已命真王臨凡、待汝等
功成之日、吾神自來指示、待從們、引他們投生去者、雜
領法旨、引三人下老生、看他們孽根未盡去了、塵緣、這
一番際遇、可也人間罕有、待從們、雜有老生、隨吾神回
宮去者、雜領法旨、老生

尾聲、俺憑傳述、示根苗、這佈置天然、湊巧、弄霜毫、管甚麼、
世間人、貶與褒、

引侍從下

風雲會

卷上

論配

五

第三齣 授秩 車蛇 生巾服上

南雙調

步步嬌 烽煙到處還相接。擾攘何時歇。無計去奸邪。

填胸憤懣難傾瀉。書生空自費咨嗟。怎得箇快志成功業。

慷慨臨風發浩歌。家藏萬卷恥編摩。卻非大意觀書史。

別有羅胸星宿多。小生李靖表字藥師。京兆三原人也。

大父居官後魏。拜爵永康先君。筮仕皇隋。出守趙郡。小

生學通六藝。不屑爲章句迂儒。志切三長。要做出功名。

蓋世。只是滿目蠡飛。蠱聚。赤幟爭搖。傷心虎噬鯨吞。金

甌未奠。身同幕燕。難求家室之安。首誦關雎。敢繫房幃。

風雲會

卷上 授秩

六

之念。舅父韓擒虎。位居上柱國。盛業光於天下。高名塞於寰區。頗蒙青眼之加。許作白眉之選。偶陳韜略。謬譽比於孫吳。欲出泥塗。薦章達之堯舜。不避舉親之誚。可稱知己之深。不是小生誇口。若論俺的抱負呵。

山坡羊 笑迂儒困窮。枉說青箱疊。陋虛名疎狂。空把紅綾

掣樹謀猷。投箸戰征休。定綱維調鼎陰陽變。重擔兒雙肩。

挑起也。空中補綴。補綴金湯缺。笑他魍魎揄挪。無非弄影。

蛇情結肆貪。殘同虎嚙。悲切恨英豪。猶蠖屈。

末冠帶上。種桃接李。殷勤意。貢玉論珠。飢渴心。賢甥可。

在家麼(生)舅父大人(末)賢甥你學業已成功名未遂我已特章引薦蒙聖恩授你為殿內直長準備明早入朝謝恩(生)愚甥學陋蟲雕身同蠹處蒙舅父大人不拘瓜葛之嫌肯為菲葑之采恭請台坐拜謝恩慈(末)常禮罷(生)搔拔孤寒深慚宅相(末)生成英偉不愧家祥賢甥今後呵

是閱歷之語是訓誡之詞
清機徐引

不卑不亢是甥舅問答語氣

風雲會

卷上投秩

七

玉交枝繼承盛業羨英姿青年正賒良材一旦升于野這其間人情頓別矜誇須戒防踈跌風雲直上無牽掣鳳樓高梯階穩接鸞鏡合機緣早結

五供養(生)聞言震懾肯把青年等閒浪撇奇功須自建微秩敢輕屑難負提攜念切揮戈豔字靖投筆兔狐滅仗此心雄頓忘材劣

(末)賢甥抱負非凡功名必顯目下年已及冠這婚姻大事亦不可耽誤了

滴溜子家與室家與室從來並列仕和冠仕和冠何庸欠缺佩鞶須占巾櫛二南風化行先歌采擷好早訂良緣卜琴調瑟協

韻經之腋

(生)愚甥立足未安撫心多疚家室之事何敢繫念

鄭重其事
辛苦分明

月上海棠愁縈結。恁空思亂押鴛鴦牒。便紅鸞穩照卦著。
枉。搵。真。佳。耦。恐。難。歌。好。迷。惡。姻。緣。怕。錯。挽。衽。結。把。真。意。說。
要絕世無雙。甘與同衾共穴。

〔末〕哈哈。哈哈。有志竟成。以賢甥妙才。必逢奇偶。老夫去了。
明日朝堂相見。〔生〕恭送舅父大人。〔末〕正是。別有襟期空
一世。等閒難與託知音。〔先下。生〕目今豪傑四起。我看襟
懷磊落。識見高超。真如舅父者矣。蒙他一番引薦。且就
微官。想我李靖。豈是久甘屈抑者。就是婚姻一事。豈無
情於射雀。難滿志於乘鸞。你看世上女人。那裏有孟光
風雲會。

卷上

投秩

八

的特識能看出梁鴻身分呵。

尾聲有誰慧眼觀明哲。笑妄詡乘龍佳客。這天上良緣。除
非向夢兒裏說。

下

正起後文

冠冕堂皇
語含諷刺
賈詠史之
妙筆也

張傳作司
至楊素考
之隋書時
為司徒自
宣從史

情儻不羣

第四齣 營都 機微 副淨上

紗○弁○新○霑○雨○露○恩○萬○千○絲○竹○繞○端○門○聖○明○瑞○事○空○前○古○
孔○雀○朝○堂○拜○至○尊○下○官○黃○門○侍○郎○王○弘○奉○旨○往○江○南○打○
造○龍○舟○萬○艘○築○西○苑○二○百○餘○里○其○內○為○海○有○方○丈○蓬○萊○
諸○山○臺○觀○宮○殿○羅○絡○山○上○翦○綵○為○花○綴○於○宮○樹○四○時○不○
彫○哈○哈○可○謂○窮○工○極○巧○司○徒○楊○大○人○奉○命○督○工○監○造○離○
官○四○十○餘○所○自○長○安○直○至○江○都○大○工○俱○竣○聞○得○翊○衛○大○
將○軍○字○文○大○人○勸○聖○上○臨○幸○江○都○只○索○到○朝○堂○候○旨○淨○
上○一○自○東○遷○創○帝○基○簇○新○羽○葆○煥○朝○儀○淨○上○承○恩○遠○建○

風雲會

卷上 營都

九

蓬○萊○閣○卻○笑○阿○房○製○太○舉○淨○下○官○字○文○述○淨○下○官○楊○素○
字○文○大○人○淨○楊○大○人○間○得○離○官○告○成○龍○舟○已○到○聖○上○正○
好○南○巡○下○官○昨○已○本○奏○蒙○聖○上○俞○允○擇○日○啟○鑾○不○知○大○
人○意○下○如○何○淨○歲○時○巡○幸○謨○典○昭○垂○自○是○聖○王○盛○事○淨○
如○此○我○等○一○同○啟○奏○副○淨○二○位○大○人○二○淨○大○人○生○盛○甲○
上○聖○駕○臨○朝○各○歸○班○次○官○監○引○小○生○隋○煬○帝○上○

北黃

醉○花○陰○良○嶽○峯○高○倦○遊○矣○著○意○處○吳○頭○楚○尾○鴻○臺○峻○

猿○洞○低○汙○水○滔○滔○怎○及○邗○溝○麗○風○日○美○煙○雨○宜○穩○把○龍○舟○

江上艤

坐介衆見介臣等見駕願吾皇萬歲小生衆卿平身衆
萬萬歲小生一統山河供嘯吁萬龍岡上建新都宸游
欲攬寰區勝龍艦先臨巖社湖朕乃皇隋大業天子是
也承開皇之新業陋秦嶺之舊基沙海重循闢煙波於
榮澤石帆可接慕風景於廣陵已命楊素王弘二人監
造離宮廣營龍艦昨閱宇文述勸幸江都一本正合朕
懷楊王二卿淨副淨臣在小生命爾等監造離宮龍舟
可曾完備淨副淨容奏

喜遷鶯欽承恩詔急鳩工怎敢濡遲如期要奪取天公化
風雲會

卷上營都

十

總發處筆
陣峻整落
峇大方

機水陸經營一律齊宮聯屬舟銜尾管入望櫺櫺霧列旌
旆雲飛

小生二卿不辭勞勩尅期成功頗愜朕意淨臣昨日日本
奏已蒙御覽目今四海承平萬民安樂及時巡狩上繼
唐虞恭維聖上呵

出隊子皇仁廣被戢羣雄建帝基端的是神謨到處絕鴟
覓今日箇萬方翹首盼龍駢莫負他簞食壺漿誠懇意

貢諛之詞
偏要說得
體面

老生外小生同執木上滿朝紫綬工諛媚一片丹忱枉
激昂老生臣建節尉任宗外臣奉信郎崔民象小生臣

授切時事
語無泛設

忠愛之忱
溢於楮上
前後同一
敷奏而忠
奸自別

奉信郡王愛仁合聞得聖駕南巡、目今盜賊充斥、寰宇未安、輕信奸謀、遠幸江南、不特黎民有徭役之苦、邦家有危壁之虞、就是萬乘聖躬、亦當深自保重、臣等愚昧、列疏上陳、敢乞陛下聖聰、虛衷納諫、臣雖萬死、幸甚幸甚、

刮地風自古垂裳稱聖治、絕游觀深居堂陛、況天河未盡、干戈洗釁起華夷、歌浪死遼東鼎沸、集無賴高雞兵起、聚蠢類鬪臬雄、更連著鄱陽近地、怎輕忘蹈禍機、忍見那瑣尾流離、願神聰端拱安神器、頌昇平共享雍熙。

風雲會

卷上營都

十一

小生自朕登極以來、羣雄盡戢、諸蕃來朝、天下已歸一統、正應歌舞昇平、朕之龍舟南下、與民同樂、誰曰不宜、爾等書生之見、欲以一諫沽名、豈不可笑、朕已降旨南巡、誰敢諫阻、四侍衛暗上老生外小生合阿嘎陛下吓、

四門子鑒愚衷、豈有沽名意、為人臣須盡職、况君民上下、原同體、必須要辨安危、決幾宜、敢冒宸嚴、肯涉遲疑、縱然是斧鉞相加、志不移、欲奠邦基、甘受陵夷、同跪介實指望、挽天心感深零涕、

小生哇、無識下僚、狂悖至此、其實可惡、殿內直長何在、

寫百折不回之概于古如見其人

颯強聲口如畫

〔生〕有小生命侍衛們先解其頤然後推出處斬〔生〕領旨侍衛各執一人介老生外小生合阿頃陛下吓臣等死何足惜只是先帝創業未久遺骨未寒眼見這天下送於荒淫之手可恨這班奸賊專事逢迎毫無忠愛看你們何顏見先帝於地下

〔水仙子〕看看覆根基問問有若箇能將鱗甲批聽聽聽人民爭怨歎歎歎脂膏空費笑笑笑弄權奸罔自欺恨恨恨學朱雲檻折終無濟〔侍衛解頤介〕拚拚拚一笑共歸西

風雲會

卷上營都

七

〔侍衛推下小生〕分付啟鑿再有諫者一律處斬〔眾領旨小生〕

〔餘音〕肝腦無辜忽塗地恨無知撓亂心期偏生要歡醉揚州風月裏

眾引同下生搖頭後下

第五齣 惜春 江陽 旦上

每因風景
卻生愁

安能擢肩
折腰事權
貴使我不
得開心顏

南羽四季花獨自步迴廊看珠簾畔花磚外日影舒長相
將雙雙乳燕栖畫梁紛紛蝶傍繡窗悶無聊愁怎忘你
看幽禽交語繁花送香春來撩撥神暗傷試問你玉宰東
君怎不肯公平長養為甚底把我耽憐何日方脫塵鞅

院溪紗綺思無端繞萬千舞裙歌扇自年年難將心事
話啼鵲未必紅絲能縮月生防紫玉漸成煙文君何處
譜琴絃奴家張氏小字華鬢自幼便入楊府教成歌舞
和聲調九奏之能慕切幽貞淑質守十年之筵主人越

風雲會

卷上 惜春

三

國公楊素勳名蓋世第宅連雲承襲及於子孫進擢無
非親故後庭絲竹曳羅綺者千人滿座笙簧求青紫者
百輩咳你看今日橫眉自傲已似屍居將來滅頂多凶
難償貫惡奴家雖屬女流頗懷幽憤譜危絃於箏上祇
切傷心通雅意於琴中誰堪知己春深如許愁積無邊
教我怎生排遣呵

鳳釵花絡索

金鳳釵首至二

春光媚春氣融正好供人吟賞

勝如花三

四至樹交枝高下延青花綻蕊淺深鬪絳醉扶歸干般旖旎
炫新妝等閒寫不盡繁華狀梧葉兒春色太迷茫惹得那

此拽弓令
滿法極力

摹寫爲惜
字地步也

再接再厲

自解自嘲
迴腸欲斷

一薰一蕕
十年有臭

深閨巨眼
識透世情

緊切題字
墨無旁滯

相思相見
知何日

鶯兒亂蜂兒著意狂水紅花暗思量盈盈弱質忍被風飄

雨溷輕易送流光浣溪紗榮枯縱有天安頓培植何難我

主張望吾鄉休輕棄莫自戕大勝樂癡情委宛憑誰訴好

景蹉跎枉著忙天下樂放眼乾坤大何苦自悽惶解三醜

重凝想八聲甘州這花團世界容易炎涼我想府中來往

的無非顯貴怎麼這等趨炎附勢貢媚獻諛沒有一些骨

氣一封書多是一些爛漫天桃迎面笑那有箇雋永芳蘭竟

體香皂羅袍最可笑迎風屈節最可笑如流弄簧少不得

冰山峯圯少不得終南徑荒黃鶯兒伊誰再肯相依傍漫

風雲會 卷上 惜春 七

倉皇兒高韶景輕拋枉自費惆悵期歌合空花過幻味

嘗到頭瞳目感滄桑桂枝香識破了斷腸時節春三月止

不任卽目唏噓淚兩眶

奴家託跡豪門自傷卑賤抗懷列女時慕風徽只是滿

目榮華何異草間之露有心物色難期世外之音天哪

既生我張華鬢在世難道悠悠忽忽便與草木同腐咳

我也不想別的只要遇箇昂藏自立的英雄與他甘苦

同之至於窮通富貴豈是意計所能及者你看這眼前

的境界還說不上十分炫爛乎

倦倚東風
白玉牀

令人發深
省

點晴

中逗拂奔

仙掉角兒集掉角兒燦雲霞千門結帳動風雲六瑛齊響

都羨他錦裝玉圍我看做泡漚情狀除非是樹英名標勁

節世無雙傳流去萬人爭仰排歌合看這朝酣舞夜泛觴

那知轉眼陸莊荒東離合要猛醒夢黃梁

我看主人近日行動倨傲日增聲名益裂我怎能及早

脫離陷穽咳也是命該如此難道這偌大世界竟沒箇

有志氣的男人空有一雙觀世眼未逢七尺不凡身只

好耐著性兒以待時命

尾聲意徒繁情空往怕對著鴛鴦花幔繡雙雙可惜這春

風雲會惜春去

去無人可挽繮

集何因吹送落花來王維石徑春風長綠苔劉商惟有

詩人能解愛白居易不知誰是謫仙才韋承貽

第六齣 慨世 歸回 生箭衣巾帽上

南仙夜游湖志氣昂藏空自志問蒼蒼何日揚眉逐隊朝
端脩儀仗側笑卑微難言官貴

歲月日以逝撫景增感傷形階有莫葉未若空谷香願
化指佞草亦足維綱常皮裏有陽秋此心徒徬徨小生
李靖官居殿內直長自愧微員莫訓壯志雄心未已效
起舞於劉琨蒿目生悲懷澄清於徐穉只是天子日耽
聲色臣工專事諂諛豈乏忠良悉成魚肉前日鑿與南
幸任建節等這番苦諫不能聽納反遭屠毒實實令人
風雲會 慨世 去

髮指也

中石榴花陰霾晦昧鴆毒當良媒分黨與奪渠魁奸成朋
比弄權威幾曾思國祚艱危棟梁折摧脅雙肩花面當場
積蓄機謀出口與戎覆邦家轉眼成灰
咳忠臣至死不屈這一番光景可敬可羨

包藏禍心
奸諛之可
怕如是

前腔剛方雄偉百折不能回心可表理無虧巖巖正氣泰

山嶽只憑他膽裂肝披骨鍊筋錘矢丹心拚把頭顱碎受
誅夷萬死無辭哭忠良十地生悲

我想東晉以來紛爭裂土目今雖屬一統而羣盜蜂起

身騎箕尾
歸天上氣
作山河壯
本朝

卓識快論
幾許包羅

眼大如箕
準大如椽

王薄稱兵長白張金聚眾河東漳南有竇建德之鳴張
清河有高士達之梟勇朝廷置若罔聞軍民日生怨望
古來大弊莫甚於諱盜養癰成患一朝潰敗不可收拾
矣。

泣顏回奇禍孕胎胚。逞雄心日漸恣睢。狼貪虎噬也防他。
神器輕窺及鋒須銳。略俄延糜爛成癰潰。恨曷臣罔識神
機苦官家莫振天威。

今如巢幕之燕絕不思整兵禦侮乃復日事游觀離宮
之築二百餘里龍艦之營數千萬舳生民塗炭帑藏虛

風雲會

卷上

概世

七

靡甚至新作輿儀灾害及於禽獸前日任建節等說先
帝創業未久遺骨未寒這天下要送於荒淫之手雖是
激烈之談實切當今之弊直言敢諫其如不聽何

前腔纍卵不知危儘荒淫迷亂宮闈把脂膏罄盡遍瘡痍
國本難培漫無經緯樂槃游萬乘輕聯轡蹈危機莫顧艱
虞苦生靈異樣傷懼

我輩生當離亂志切匡扶奈此微官難回大局只得辭
官引退你看當路之中如楊素牛弘等皆一世之傑乃
俱箝口不言甘受長君之誚我這胸中抱負更向何人

傾吐乎

羅拍論才華八斗無虧笑功名五斗難追日就塵囂怎能
奉詔金門決策形闡力振綱維痛洗脂革要使他陰轉陽
回除鬼域起衰頹

人生如白駒過隙有限光陰憑空消滅殊非大丈夫之
所為只因國事多艱未暇謀及家室蒼蒼者天不知如
何發付我也

前腔歎孤淒涕泪頻揮苦因循歲月交推撫景增悲空教
緣木求魚撲草占龜泛梗如萍止渴無梅只贏得血泣心
風雲會

卷上 慨世

六

收足慨字
語不離宗

椎空飲恨獨銜杯

悶坐無聊不覺一時憤懣起來且到書牕下將近今時
勢籌策一番形之筆墨一洩胸中礪硯有何不可立起

介

尾聲筆花飽縱新蓓蕾莫浪作無端感喟要想驀地驚人

起下策語
醋逗兩代

起迅雷

下

第七齣 兩代 庚亭 老旦上

北仙點絳脣息駕元冥游神淨境風雲整水府威靈石姥
名相竝

正德原居五位中坤靈獨掌舊珠宮幾隨王母朝天闕
萬歲千秋樂化工老身乃涇河龍母是也自從老王去
世天帝因二子年幼命我權攝水政今日二子爲渭河
龍府邀去筵宴老身獨坐宮中無事往雲陽市上閒步
一回歸來已晚便在這行宮小憩你看涇河岸邊榆社
低環柏臺高聳左縈灞澹右繞漆沮真好景致也

風雲會

卷上 兩代

九

混江龍看不盡風流名勝聽不清曲江冰玉細漸鳴遠的
是終南聳翠近的是太乙迎青只見那樹杪吱喳來倦鳥
更有箇山前蹠蹠醉歸僧漸漸的茅屋上炊煙紛紛的沙
渚攢帆影試看這江村暮靄向誰評旅夜閒情

詩中畫耶
畫中詩耶

生箭衣策馬上絳鷹貪覓奇禽夥策馬渾忘歸路遙我

李靖獨往山中射獵信馬而行不覺來到涇河岸側你
看暮色蒼然歸途已遠林巒叢雜村郭蕭條何處可覓
棲宿瞭望介前面朱門開處有一老媪我且上前問訊
再作計較媽媽請了老旦客官何事生小生射獵山中

一時乘興信馬來到此間天色已晚不知近處可有宿店望媽媽指教。老旦原來是借宿的此間瀕鄰大河居民稀少那有客店若不嫌簡慢就在舍間暫住如何。萍水相逢怎好叨擾。既蒙老媽媽盛意只須一席之地明早必圖報稱。老旦豈敢客官請進。奚奴那裏。末白鬚扮家人上。老旦你將尊客坐騎牽至後院好生喂養。末是牽馬下。生請問媽媽貴姓。宅上還有何人。老旦老身龍氏膝下二子往親友家去了無人款待幸勿見罪。生豈敢。老旦請問客官上姓何處人氏。生小生姓李名靖。

風雲會

卷上 兩代

三

世居三原。老旦三原李氏本是著姓客官品貌非常將來前程不可限量請在耳房稍坐老身命奚奴取晚飯出來。下生難得這老媽媽款待殷勤我今夜呵。

油葫蘆穩住甜鄉一夢清省得去數更長聞柝警還有那殷勤雞黍禮書生既不須離緒嫌清冷又何煩旅況憎孤另飯王孫漂母同庇寒儒北海稱端的是如歸賓至同聲。應莫輕將聚散等浮萍。

魂移栖息
一枝安

末攜酒飯上。盤餐市遠無兼味。尊酒家貧祇舊醅。尊客酒飯在此。生有勞了。末下。生獨酌介。

天下樂你看這蝦菜盈盤鱸作羹。香凝泛蒲萄。酒味清。祇
笑我相逢傾蓋。味平生。乍攜尊。先自慚。欲舉箸。太無名。雖
說是主人賢。難受領。

末上收盤尊客便請安睡。老奴不奉陪了。生有勞你請
便。末下生作睡介。內鳴鼓作雷聲。副淨急上。風聲鳴玉。
虎。電影掣金蛇。我乃雷部神將。奉上帝天符。命涇河龍
神立時行雨。來此已是行宮。呔。那箇在。末上是那箇。副
淨。今有天符在此。命爾立時行雨。不得有誤。急下。末
太君快來。老旦上。什麼事。大驚小怪。末太君不好了。兩

風雲會

卷上 兩代

三

位小主人都不在家。頃有天符到來。要立刻行雨。如何
是好。老旦。呵。吓。有這等事。渭河龍府離此寫遠。二子一
時如何喚得回來。頃有了就煩耳。房客人夢魂一代。向
內介客官快來。末下生被魂帕上。老旦。客官不知此間
乃是龍宮。頃有天符到來。要立時行雨。奈二子遠赴渭
河未歸。只得有煩客官代勞。取瓶介。這瓶呵。
那吒。合論配合五行。獨承乎水精。能統攝百靈。藉養乎眾
生。儘四海可盛。渺三江可傾。借涓埃略指揮。遍洪濛無餘
剩。也算得奪元功。莫與之京。

生接瓶介老旦奚奴快駕青驄末牽馬上老旦客官請
上馬率領兩工信馬而行見此馬躡地長鳴卽取瓶水
滴馬鬣上此一滴乃世上三尺慎勿多也老旦下雜抓
各種水怪上擁生繞場行合唱

鷓踏枝霎時節動風雷天地傾擁雲霧鬼神驚眞箇把大
千世界頃刻澄清試看他吸西江便醍醐灌頂經不得瀉
天河萬姓做浮生

神仙排臺
出但見金
銀臺

寄生草看俺高驂駕遠建領要使他灾黎仰望在崇朝應
要使他枯苗委頓在當時省要使他九州四海都同聲慶

風雲會

卷上兩代

三

休說是知時甘澍未愆期須知我雨田公道皆平等

雜分立生獨唱介

二語摹寫
入神

賺煞尾驀使夢魂驚勉抑心神定這奇遇教誰作證難道
薄福能捺天上柄遙望介望家園早象非輕看田廬炎氣
如蒸灑水介須得要淋漓手不停非敢是妄用私情自然
的先施回井再看俺顯神通霖雨遍蒼生

元怪錄云
踴不守其
戒連下三
十餘滴及
歸已無家
矣

雜下生後下

第八齣 雪仇 干寒 淨紅面虬髯短衣紮巾上

一腔熱血向誰噴。涉世難忘怨與恩。放眼乾坤無敵手。
小張虎口便鯨吞。某張道堅。排行第三。四海爲家。一身
是膽。可笑羣雌粥粥。爭目爲當道豺狼。最憐天下滔滔。
莫敢作中流砥柱。則且不在話下。昨日與徐道兄相別。
來到長安。某所最恨者。天下負心之人。銜之有年。必要
寢其皮而食其肉。日今探聽此人。早晚便可下手。爲此
結束衣襟。暗藏匕首。悄悄地前來。你看金烏已墜。玉兔未
升。一林幽鳥歸巢。幾點疎星照野。俺正好行事也。

風雲會

卷上 雪仇

三

南中 錦纏道。拊悲懷。揮不盡英雄涕。潛何處洗愁煩。笑相
交。匆匆車笠盟寒。我想他見時情。別時言。過時覆。反還說。
甚麼契蘭言道。故荆班。此恨切心肝。俺意兒中沒些荒誕。
誰還起笑。姍且看俺喬裝扮。耍笑提長劍。斬樓蘭。

英雄氣概
才子文章

〔暫下〕淨白鬚上。小老今年八十八。兩耳重聽眼又瞎。

嚴霜染了黑鬚鬚。大雪堆成白頭髮。鼻頭是我舊徽名。

司閻是我新統轄。門神有了老交情。門門做了長煙插。

主人換了許許多。我的門公沒兜搭。少算也過五十年。

鄰舍家家有緣法。說這老兒和氣多。當門坐定像菩薩。

史公作傳
專列滑稽
詩云善戲
謔兮不爲
虐兮

世上不帶
眼睛的多
但不及聾
公之莽撞

一語喝破
驢大心細

試拂鐵衣
如雪色聊
持寶劍動
星文

正若金剛
督目忽然
菩薩垂眉

有箇毛病改不成說來教人活笑殺夜夜要人管後門
屁股當中造寶塔哈哈我這一箇門公做的老了這
間房子換進換出的人都說這箇老兒和氣就叫他管
門弄得我七顛八倒也忘記了主人的姓名正是日圓
三餐夜圖一宿你看天色晚下來了我且關上大門淨
上撞副淨跌介阿唷唷你這箇人好莽撞怎麼走路不
帶眼睛的淨拱介冒犯了我且問你主人可在家麼副
淨作不聞介淨是箇聾子不必理他我且進去副淨拉
住介我們裏面丟了好些東西你這箇白撞賊又來了

風雲會

卷上雪仇

三

淨怒介呸你這箇老頭兒看看爺是箇做賊的麼要偷
就偷你主人的腦袋打副淨下內煞插介淨呀

普天樂聽譙樓更聲攣挽愁眉揩倦眼羞捫著義
膽忠肝出刀介憑他這七首斑斕勾除了胸中厭煩省得
去哭秦庭泪眼難乾

暫下內作更鼓聲提革囊卽上好。如今仇人頭已在
此可洩我十餘年怨憤矣

古輪臺笑癡頑。一生空自弄機關。全不想奸謀未遂身先
喪。贏得箇血污刀環。教我對此翻悲他。怎知自破籬藩。咳

以手撫膺
生長歎

夢夢者正
復不少

使盡虛誣。生成慄慄。可還能巧舌再翻瀾。試問你威風何
在一。靈兒飛度關山。只可惜半生名望。幾番心血十年安
樂。一夢醒邯鄲。增悲歎。熱腸從此令人寒。

且慢我前日與道兄相別。他說太原有奇氣。必有異人。
須要前往一探。我就此一路訪尋而去。有何不可。

尾聲安排審識英雄眼。莫像這反面無情的血色。豈可笑。
他春夢猶存。鼻息。鼻。

下

風雲會

卷上雪仇

羨

第九齣 策謁 東同 生巾服上

國是何妨借箸籌。布衣識膽魏王侯。萬言欲上天人策。好趁班超筆未投。小生李靖辭名仕籍。抗志儒林。頗畱心於有用之書。不屑齒於無能之輩。今之天下。日就衰頹。無有起而振之者。因為奇策三千言。自問可以整飭綱維。肅清朝野。當今之權重望崇者。惟有楊司徒一人。畱守西京。朝綱獨攬。可惜奢貴自奉。無復有扶危持顛之心。據我看將起來。楊司徒才華出眾。智略超羣。並非有心倨傲。都是這班無恥之徒。吮癰舐痔。做成他的這般驕貴。實屬可恨。我今日偏要到他門下走走。且看他如何待我。自有道理。

風雲會

卷上 策謁

美

南南。二犯梧桐樹。梧桐樹。儒流德目恭。君子威原重。文質交

崇。抑抑威儀。詠銖錢。班荆盡許青。臚送接席何煩白。眼逢

五更。況他權傾四海人。爭奉這藥籠儲材。更有寬和妙用

暫下。且豔裝執紅拂上。金蛻香重龍盤字。翠羽屏深鶴

守書。我張華鬢。楊司徒台前執拂妓也。主人朝罷回來。

分付在春陽閣。晏息整備胡牀。接見賓客。只得在此伺

候。羅旦扮女妓四人扶淨上。

降貴紆尊
能使英雄
陳力自古
難之

是權貴驕
盈氣象

東○歐○合○參○紀○歷○樂○和○雍○御○案○香○沾○兩○袖○濃○掌○朝○綱○發○語○盈
廷○恐○要○伊○呂○人○爭○頌○這○機○關○巧○處○仗○威○風○坐○論○自○從○容

〔巫胡牀付扮典吏暗上〕老夫楊素官拜司徒聖上南巡
命爲西京畱守朝政無論大小皆出老夫之手哈哈可
稱權傾當世只是朝廷多故政務太繁下朝回來正想
休息片時奈那些大小官兒又來絮聒好在體諒老夫
年高德重不以禮貌相責官兒〔付有淨〕外間啟事各官
如無緊要事件說我身子疲倦改日接見〔付〕是各官俱
來稟安一應章奏均交理事官掛號惟有三原李靖自

風雲會

卷上

策調

七

稱布衣有奇策獻上還求面見〔淨〕嗨這些狂妄書生最
愛多言無非想做箇官兒那裏有什麼奇策你且將他
策文呈來我看教他外邊伺候〔付〕領鈞旨〔下〕〔上〕策文
獻上〔淨看介〕一人輕萬乘之體而樂游觀羣盜窺兩京
之基而生覬覦禍不旋踵計在攻心自有指掌之條陳
還待齒牙之縷述官兒〔付有淨〕喚他進來〔付〕領鈞旨〔下〕
〔同上〕〕摳衣來謁貴獻策不干時〔付〕李靖到〔生〕司徒大
人在上末學李靖參見〔淨〕踞牀端坐不動〔介〕生長揖〔介〕
目今天下方亂英雄競起公爲帝室重臣須以收羅豪

其炳炳神
情不滅焚
香讀疏

慷慨直陳
立言得體

天下待人
而理自古

盛治皆出
五人十亂
乎也

傑為心不宜踞見賓客淨起立且以目送生介淨先生
金玉之言老夫敢不領教看坐來生旁坐介告坐淨先
生下顧何以教我生司徒大人聽啟

豈羅袍國是豈容輕諷奈朝綱漸替亂釁無窮奸徒啟口
便興戎么魔發號多成眾虞廷干舞難逃愍兇周家德盛
猶歌獵狝銷兵未必無餘種

人心向背原視君德為從違朝政弛張要恃臣工之匡
正上格天心下收物望非公引任其孰與歸

大聖樂調羹手九有帡幪振綱維綿緒統經綸穩把金湯

風雲會

卷上 策謁

五

鞏論治術首登庸廣儲械樸為梁棟預選英奇作股肱要
恩威並用好安危與共憂樂能同

淨先生之言是也目今聖駕巡幸未回老夫為西京留
守整兵嚴防盜賊妄生覬覦正如螻蟻撼樹何足繫懷
生司徒大人此言差矣聖躬遠幸江淮羣盜近在肘腋
如竇建德高士遠相離無千里之遙設有警報大人能
安坐而不問乎況晉陽一帶豪傑四起乘虛而拔本根
恐大人彼時首尾不能兼顧更以何術處之淨點頭介

生

櫻時豎
言切中當
目情弊

解三醒莫仗著深居高拱。須防他詭計奇蹤。宸游駐蹕難
遙控。保不定燧火飛紅。況且是晉陽宮闕根基重。怎守著
洛浦山川帶礪雄。還增恐怕的是人心渙散收拾無從。

淨著先生卓識高才。議論極是拍牀介。將來此坐必讓
先生。且請暫退容老夫計議。各起介生。如此告退。淨請
與君一席話。勝讀十年書。淨先下。雜且隨下。且弔場立
介付李先生這裏來。且官兒問處士第幾任居何處。付
請問先生排行第幾。居任何處。生小生排行第一。就在
玉津園。暫住。付照答引生下。且以目送生徘徊介。奴家

風雲會

卷上

策調

无

自入楊府。所見賓客。不可指數。無非諂媚逢迎。那有一
些骨氣。今見此人。不特軒昂磊落。卽其議論風生。令人
心折。無怪主人前倨後恭。我若錯此機會。這終身更將
誰託。搔首介。若憑媒妁。此事便不成了。我看李郎英雄
蓋世。必然不拘小節。莫若今夜喬裝男子。夤夜私奔而
去。不可學兒女子斤斤羞態。有理阿有理。

尾聲高梧例合棲鸞鳳。莫笑我操縵的文君。密意通願與
他天桃連理種。

下

第十齣 拂奔 天田 丑上

集一竿長伴白鷗閒。處士風流水石間。香篆結雲深院淨。先安筆硯對溪山。我文章自幼跟隨李相公。看他讀書萬卷。立志千秋。舅爺韓大人將他薦在朝廷。做了箇殿內直長。他滿心未足。不願爲官。前日在窗下。咿咿唔唔。做了好些文字。聞說獻上司徒楊大人。想必要做箇大大的官兒。我也好仗他的威風。飽飽的賺些財帛。娶箇姣姣滴滴的房下。豈不有趣。豈不有趣。哈哈。天色已晚。敢待要回來了。我且暖壺茶等候著他。生上更事

草鞋衣冠

風雲會

卷上 拂奔

三

愈懷憂國切。多情翻悔得人難。我李藥師在楊司徒前獻策。蒙他首肯。居然改容相接。也算得從善若流。只是臨行時節。忽有執拂家姬。問我的居址。難道有甚瓜葛。事屬可疑。也只得由他。作到介文章。丑有生厲中可有人來。丑沒有。生掌燈書房看茶伺候。丑曉得。下生你看幽樹交枝。繁星映月。虛堂若水。曲檻迎風。正好消遣良夜也。

丑卒見影

南雙調步步嬌入望。銀河波清淺。照徹閒庭院。風光劇可憐。冷淡清宵。頓增幽怨。低首問蒼天。這姮娥奔月誰曾見。

仙風吹下
步虛聲
為郎憔悴
卻羞郎

行塵不是
昔時塵

不敢長語
臨郊衢
加帳金泥
簇蝶裙

一亘披紫衣帶巾帽荷紗囊上

武武令拋離了香閨畫椽轉過了華堂深院天街寂靜趁
著風兒顫程遲迤步遷延怕人知暗地中羞顏覩覩

奴家張華鬢日間見了李郎知他是箇英雄豪傑可望
終身之託因此不避嫌疑喬裝收扮夤夜偷出楊府且
喜無人知道來此已是大街去玉津園不遠急速趨行
者

拜令不須得畱連眷戀管甚麼高低近遠只索那人重面
休怕隔籬黃犬越過藍橋未識裴航在那邊

風雲會

卷上 批

三

且任李郎說暫任玉津園聞得此園十分遼濶不知他
住在何處我且潛入園中一路暗訪而去

品令
逡巡乍來乳燕苦蹁躚呢喃欲語怎敢向人前
新巢
恁處玳梁難覓徧畏行多露做不到飛騰紅線待學踰牆
怎奈牆兒高似天

此間隱隱有讀書聲想必是了待我叩門敲門介生怎
麼夜靜更深有人叩門文章叟睡著了待我自去看來
作開門介旦進介嗶月光之下看不明白閣下何人乞
道其詳旦妾乃楊家執拂妓也生禁聲隨我來作進內

回首可憐
歌舞地

介生既是楊家妓妾為何黃夜至此

豆葉黃苦衷腸莫訴癡意兒空纏恨前生孽未消除恨前

生孽未消除偏受用煎熬偃蹇身低役賤愁多怨牽縱歷

盡綺羅中美滿縱歷盡綺羅中美滿怎知我心源看得似

泡漚轉旋

妾有癡情幸君鑒納妾自幼便入楊府閱人多矣可恨

那些逢迎詔佞之徒毫不問民生國計一味脅肩諂笑

做成得玉人十分驕貴今日聽君一席之談方知世上

原有磊落丈夫絲羅非獨生願託喬木故來奔耳

風雲會

卷上拂奔

三

又奇了

玉交枝乍經謀面怎勞卿心同石堅聞言頓覺心頭眩還

疑飛墮天仙三生縱有前世緣今宵悞認逢佳彥觀英姿

雲上風騫聽嬌音猶餘嫩喘

悵恍迷離
如夢如醉

君向疑妾耶脫衣去帽介生執燭照介哈哈今夕

何夕見此粲者真箇佳麗無匹也

月上海棠愛煞他凝脂膚襯龐兒倩更一雙慧眼異樣堪

憐自生成萬種溫柔敢承望百年姻眷真可羨羨者般識

膽出自嬋娟

徘徊纏綿
似李都尉
鴛鴦辭

千金難買
隔簾心
承恩不在
貌

雖承小娘子美意、敢問逃出楊府之時、難道無人知覺、萬一司徒大人得知追究起來、小生喫罪不起吓、**回**妾計之熟矣、楊司徒屍居餘氣、不足畏也、諸妓知其無成、去者甚衆、彼亦不甚追逐、君幸無疑、妾心可鑒、

江兒水、心鏡澄如練、腸輪轉似圓、要終身計較、都思遍、萬千愁、慮登時遣、昂藏肝膽和盤獻了、卻往常心願、甘抱衾、**裯**敢論戚施、媿婉、

生如此說來、是我的知己、娘子請上、小生有一拜、**回**妾身禮應拜見、**全**拜介、**生**文童快來、**丑**上、半夜三更、勿困

風雲會

卷上 拂雲

三

覺來裏做僂、**見旦**介、嘆、箇是僂人、**生**不要聲響、是楊家、妾妓來投奔我的、你將紗囊衣服收拾進去、暖茶侍候、**丑**阿吓、我想討老婆、倒想弗著、相公弗想、倒奔子來哉、這才是有意栽花花不發、無心插柳柳成陰、**渾**下、**生**請坐、**旦**有坐、**生**請問娘子貴姓、**回**妾身張氏、小字華鬢、早折椿萱、莫問旁生之枝葉、願聯蘿、無遺下體之菲、**對**、豈敢念小生呵、

川撥棹、傳祖硯、守青氈、窮萬卷、為時艱、獻策鈴轅、為時艱、獻策鈴轅、怕人憎書生、妄言拂紅氈、嘗欲然勞青盼、轉報

然。

續六錦帳
同心帶雙
密護飛過
一生

前腔。且慚愧詩吟鄭衛篇。望海量包涵。覆瓦全。任風波陡
起。平川。任風波陡起。平川。誓把心腸鐵石堅。矢盟詞有萬
千。願和諧到百年。

丙雞鳴介生。天色將明。請娘子休息片時。明日再作計
議。且是生。

尾聲多情難得逢賢媛。這天賜的奇緣。非淺合。畱與千秋
佳話傳。

全下

風雲會

卷上 拂舞

詩

第十一齣 捕逼 皆來 丑上

莫信直中術、須防人不仁、我乃楊司徒府中一箇典史、今早府中傳說、後院歌妓中、又逃走了一箇執紅拂的、傳下令來、教我派幾名旗牌、各處訪拏、我想幾次三番、逃走的也不少了、不曾拏著一箇、只是此人略爲有些影響、昨日來了一箇姓李的布衣、說是獻什麼奇策、臨行時節、他教我問他的居址、莫非逃往他家去了、我看這姓李的、頗有幾分膽量、在司徒面前、言三語四、連司徒都敬重他起來、若無端冒犯了他、他怎肯干休、反將

風雲會

卷上 捕逼

五

轉來、倒是我們的不是了、我且選幾箇歷練的旗牌、教他們暗暗察訪、不可冒昧、旗牌官那裏、雜二人扮旗牌上、有何分付、丑大人傳下令來、後院中走失一箇執拂歌妓、命你們暗中察訪、切不可大驚小怪、據我懸揣起來、或在玉津園一帶、你們就在左右前後、訪查訪查、倘有些踪跡、再來回我、自有道理、不許誣陷平人、違者重責、雜得令丑下、雜哥吓、這箇差使、有些難辦、前日逃走了幾名歌妓、到今朝也不曾拏著一箇、既然派我們前去、只得走遭

北雙新水令。模糊情事費疑猜。想起來周身尷尬。銀屏容
熟睡。金鎖怎輕開。密計安排有誰人知行道。

方才典吏教我們往玉津園一帶訪查。想必有點影子。
我們且到那邊在街坊鄰舍家探聽探聽。再作道理。

落梅風。稀奇事。胡亂差。這籤票怎生交代。細思量。他行踪
多昧曖。說將來令人驚駭。

暫下丑上

雁兒落。從古道。美佳人。愛多才。好姻緣。天送來。且莫說良
辰正合歡。只怕好事翻成怪。

風雲會

卷上 補過

美

做過脈題
文字只須
鑿敘明晰

我文童昨夜裏相公教我起來。我道偕事。囉裏曉得奔
得一箇美女來。說是楊府中的家姬。教我不要聲響。兩
家頭切切呢。鬧子半夜箇歇倒困著我。讓我到街上
走走。看看阿有偕動靜。雜上哥吓。你看那玉津園內走
出一箇人來。我們且上前去嚇他。一嚇看看有甚口風。
雜正是小哥請吶。丑請吶。你們是那裏來的。雜我們是
在官人役。因為地方上出了一樁拐騙人口的案件。聞
得在你們玉津園中。特來訪拏的。丑阿吓。這又奇了。我
跟隨相公前日才到此間。步門不出。怎麼曉得這地方。

上什麼拐帶案件吓。羅你原來不知。小哥你跟的相公。是那箇丑。我跟的是三原李相公。他與司徒楊大人。是忘形之交。這些地方官兒。還巴不上結交他。你們這些官役。敢在此胡言亂道。我去告訴相公。把你們送到當官。一頓板子活活敲死你們。還不快走。羅是有些來頭的。不要惹他。他既說與我們大人相好。我們怎敢冒昧。只好遠遠的察訪便了。下丑兩邊看介。哈哈。這些沒用的東西。被我一嚇。都遠遠的跑去了。待我告訴相公。早作計較。

風雲會

卷上 捕通

三

得勝令。我看他狼象似官差。怒氣比狼豺。莫只管繫戀貪。少艾還怕要遲延。遭禍害。休推莫任機關。敗須裁。終防情理乖。

相公有請。至執旦手上。

沽美酒。倏離了舊館臺。怕損了俊腰材。只怕我極意溫存。難款待。怎做得天仙禮拜。丑相公。至聽。唱。嘆。驀。驚。怪。

文童有什麼事。丑相公不好了。外面有幾個官人。在那裏訪拏。說是拐騙人口。方才被我一頓吆喝。說他們胡言亂道。要送到當官。他竟害怕。遠遠的去了。恐怕還要

衫風雙飛
靈犀一

來這裏訪察相公與娘子要想箇計策才好。生這便怎處。旦據妾看來不過一時追究。只要躲得過幾日便可無事了。生小生到此原爲獻策而來。別無他事。羈留如今據小生愚見。請娘子仍服前衣。乘馬排闥而出。同歸太原。豈非就無事了。旦相公高見。一惟台命。生文童收拾行囊。立刻起馬。丑是哉。先下。生

離亭宴。帶飲拍煞。不愁招惹。間蠢蠢深防。拋卻新恩愛。枉費著。歎歎。暫避。卻是非關。永離了名利場。穩築起風流砦。雷霆莫漫驚。霜露還須耐。行程暗排。轉過了桃陵山。遙望風雲會。

卷上 補過

素

著蓼子。恰便來到蘆芽埭。生恐累嬌姿。未免妨顏色。慙盡山涯水涯。好教我躊躇滿懷。要博箇永團圓。先望他無拘礙。

同下

第十二齣 借逃 歡桓 雜二人旗牌上

上命差遣概不由已哥吓羅哥昨日我們在玉津園
左右訪了一日不見有些踪跡倒被一箇家丁嚇了一
頓回來告知典史他說就疑這李相公收畱在玉津園
內教我們再來細細訪察我想只好在這園外茶館中
坐坐且看他有甚動靜羅正是我們且去歇歇再來探
聽同下丑上定情甫唱聞房樂避禍重歌行路難昨日
相公分付將行囊趕緊收拾預備良馬二匹與娘子同
赴太原今早俱已準備停當不免請相公娘子出來好

風雲會

卷上 借逃

弄

逞早起程相公娘子有請生借旦照前男裝上合唱

初坡宜面
下珠樓

南中好事近人月兩團圓會佳期天結奇歡衾稠香擁無
限恩情美滿難闌架上鸚哥頻喚只怕的覺起無端誰憎
他歡娛夜短好逞香消金鴨馭上青鸞

浩然離故
國車馬去
閒閒

精細

生文童行囊馬匹可曾收拾完備丑俱已備齊就請相
公娘子登程生一路之上俱以相公相稱切不可露出
娘子二字須要謹記丑曉得生備馬各騎馬行介合唱

輕執細綺
相追飛

泣顏回長路任漫漫好逞著風和日暖鞭絲衫影吹來柳
絮成團雜二人暗上仍接前合唱把煙痕衝斷挽不住駿

天雅春空
能令虜騎
旋舉何如
興衰

馬雙蹄躡日丑先下生翻憐他椎魯與臺終難分優孟衣冠

後下雜哥吓你看那家丁跟著筒相公飛馬而去想必就是李相公了只是後面這箇相公卻是何人雜想必是他朋友來送行的了雜莫要管他我們到裏面搜尋去同下生且丑重上丑相公馬蹄迅速不覺離城已十餘里了可以緩轡而行至是吓對且介你看一路花香鳥語鬢翠撲人只爲行色匆匆未能領略此時離城漸遠我和你緩轡徐行料想司徒亦未必苦苦追究且請風雲會

卷上借迷

早

放懷同觀春色

柳花泣及時珍重莫使帶圍寬你且刪舊恨覓新歡春游何處不花團休負了疊翠層巒清流幾盤望太行隱約來天半脫金鞍莫漫吁嗟策花驄暫爾盤桓

三

石榴花從前情事提起尙心酸欲記憶轉迷漫只道是伶仃小草露頭溥枉思量黃犬青鸞辛今朝衣裳許濯澣訂盟言姻緣天判從今後出荆榛無滋蔓同恩愛共悲歡

慶思重
惘然

天色將晚我們趲行一步文童先往前面尋一宿店

才好丑是死下生

回顧捕遍
起下訂照

尾聲今宵雞黍誰相款桑田稅駕問星信還怕驛路逢人
把踪跡盤

同下



風雲...
卷二...
借...

